

沅湘耆舊集卷第六十九

新化鄧顯鶴湘臯編輯

長沙毛國翰青垣校訂

徐仲子昌支 十六首

昌支字崑流武陵人康熙乙酉舉人有佷山草堂

集武陵諸徐皆有詩名而崑流尤著里人傳其祖

之琛 國初官黃州訓導有學行能以文藝決人

通塞嘗識劉昌臣於童時決其必貴即妻以女門

才之盛淵源蓋有自也常德府志文苑傳徐昌支累上公車輒報罷歷黔楚

齊魯幕府所至名公卿相引重詩宗杜韓兼及王侯劔南能脫去跡象卓然名家又云先後入提鎮

高其位巡撫李發甲幕湖南北分閩議實贊成於昌支也

石鐘山

萬石攢危峯高眺俯天闕緣莽探青冥躋險逾九折插根  
澄潭底蛟龍鑿靈穴水聲湧澎湃萬竅悠悠囁日聞鞞鞞  
響寒鐘送幽咽四顧煙沈沈湖波遠明滅匡廬杳靄間雲  
氣沾衣襖俯仰愜幽抱長嘯天溲次清風習習生心與澄  
江徹邈哉蘇子瞻拏舟弄江月

赤壁

揚帆迤邐來橫江見赤壁朱殷逼丹霄半空垂雌霓迴磬  
虎豹踞攀援艱所歷解衣臨絕頂天風蕩浙瀝西望引鄉  
愁高山雲霧霽惆悵二賦堂文章事岑寂

東山

危峯插雲表仄徑緣峭壁捫蘿歷參井佳處欣屢陟盤盤  
到山頂了了星斗逼蒼松翠竹閒深隱翟曇宅四顧萬象  
寂列峯森如戟天空豁翠微稍見人煙隔吁嗟烽火餘生  
齒落版籍生聚經十載流亡始蘇息俯視中懷殷仰觀幽  
意適孤雲自來去秋雲杳無跡回首問山靈呀然笑逋客

書懷呈家兄

開我古錦囊彈我綠綺琴欲鼓莫愁曲忽作離鸞音倒我  
翠瓊嬰擊我紫霞杯欲放繞梁歌忽發雍門哀酒旣不解  
愁琴徒使我悲嗟我兄弟好比翼連理枝胡爲遠行役一  
載傷別離黔土非人境鬼國稱羅施章甫適文身濩落將  
焉爲昔爲瑚與璉今爲斗與箕昔爲不剖璞今爲旣染絲

昔爲山上山今爲歧中歧不言遊子情乃繫居人思空山  
歸去來把臂吹燠簾

寒蛩鳴我牀明月照我幃蛩鳴無好音月照有餘輝迢迢  
旅思遠悄悄鄉夢歸家人驚聚觀相對淚沾衣兒女盈房  
闔欲斥誰能揮綢繆無憾情款款忘渴饑推枕復千里悽  
惻中心違披衣起出戶河漢星光稀旅雁自北來鳴聲哀  
以微寄書與雁去爲我東北飛

家伯兄偕許師喆許兼士登郡西城樓眺雪用謝康  
樂登池上樓

積雪凝四郊仲春閉羣音太皞誘陽理萬物付陸沈鑄戶  
拚盡冊繁憂澗難任焉得脫我韁憩馬瓊樹林廣延大風

至元圃高凭臨崑崙騰夜光羣玉增崑嶽冥搜入無際密  
然開重陰城西有高樓日夕鳴饑禽延佇衆賢會慷慨白  
雪吟高和謝家詩悠然感我心懷哉西池飲勝事匪自今

### 望廬山

北風吹船逆浪撞短篷百折來廬江廬雲奔逸亘青杏但  
見空際橫天杠有若混沌初未剖纍纍后土壓鴻龐我聞  
此山仙人廬丹金鑄屋玉鑿窗日有紫雲六道出身爨揮  
指紛囁瞳空中廣樂日隱曜新聲猶拍雲玳腔靈境恍惚  
不可到使我瞻望心神降我語山靈鞭山鬼幾時容我窺  
大邦須臾萬嶺雲開霽嵯峨忽覩真面龐崇崖疊嶂遞隱  
見簾泉萬仞懸飛淙憶我十年夢天遊恍入此山乘墨駝

直啟匡生做書籠巨筆如鼎思獨扛至今往事不復記對  
山使我心衝崧山靈不語山鬼嘯怪我文字多雜嘔世字  
便了廬山局髯蘇千載難等雙請與山靈酬舊好盡倒玉  
巵傾金缸

龍場書院

大風吹客襟披離黧黧四角蒼雲垂迷濛回報作高盼竿  
花籌鳥文成祠入門大暑龍場字掘衣展拜前致辭羅施  
自昔號鬼國羈縻犍爲荒不治先生謫官驛吏耳手持木  
鐸開蒙魅折薪爨糜伍獐獐卉衣馭舌環臯比忠信直欲  
行蠻貊變易推髻趨威儀石榔既具乃聞道寵辱生死俱  
坦夷中夜躍起大脫悟七篇妙義參良知俗儒不解小儒

笑狂喙三人羣相警濟南先生得真秘獨揭大旨書之碑  
自注時田海霞高文煌煌不漫滅皎如白日中天麗我來  
中丞重葺書院婆娑自摸嶺山魑唧唧潛呵持漫壁啟宇重光復斯文照  
耀中興時何陋軒中好風景賓賓堂上芟荆茨箴誠遺詩  
滿庭壁精神恍惚如見之吾鄉道林公瑾齋淵源派領甘  
泉支持衡金築振絕學同野淮海北學師配享龍場作小  
宗俎豆不愧言非私嗚呼千秋百歲公論盡誰將遺澤傳  
邊陲三顧太息促歸騎前峯急雨愁單絺

### 太虛洞

龍川南岸峯龍從豎身排笏摩蒼穹太虛綈額敞幽壑通  
霄一罅空其中五丁之力巨靈斧手闢造化揮神工當門

石壁撐天破雲根盤結飛岍幪氣吞千崖萬竇小勢壓五  
嶽三山雄低趨俯瞰垂蟻徑容納熹照來瞳矐岫嶼瑯嬛  
連上下金霞玉局羅西東摩肩然槁迨黝暗雙峽一髮藏  
靈蹤羣仙爭出拖珮響萬佛下降祥雲籠幡幢瓔珞護寶  
相煙獅篆象浮空濛蓮華不肯擁法座倒插碧挺含青葱  
白衣垂手立丈六淨瓶滴潤琉璃空聳尻禮佛諸羅上撞  
鐘伐鼓驅豐隆平生心膽頗壯健蛇神牛鬼環相攻搜索  
天根翻月窟別有一竇張袞籠已探千仞虎豹穴更踏百  
丈鼉鼉宮金沙照眼色恍惚瑤臺俯斗光玲瓏潛虬巖巖  
卷費臥爪翫欲振重裊紫額閒寶珠奪在手蚊子睥睨心  
忪忪浮邱不逢遼弱杳清都無路橫蜺虹冥冥大塊有時



閉鴻濛以往誰能窮

### 君山歌

自我挈舟洞庭水君山一歲一經過往來風駛不得泊無

緣將柁君山何

自注一名有緣山

今日君山落我手一帆安渡平

不頗馮夷擁檝湘靈舞鼓瑟和我君山歌女媧蘆灰塞海

水乾坤一望惟白波長蛇封豕此蟠踞鬼物出沒神難訶

是時君山大如礪黃帝張樂來摩挲鼎湖龍去烏號墮羣

臣攀望徒坡陀沙堆水濁歲巖巖欲記甲子忘羲娥又聞

虞帝昔南狩二妃死葬山之阿荒墳何處白雲裏竹閒血

淚猶滂沱撫摩遺蹟信可據稽核舊典疑傳訛祖龍伐山

赭山樹博士之對言匪他湘君有神應戀此令我懷古難

搜羅連峯十二青一片髣髴佛頂堆旋螺左連赤沙右青  
草南揖衡嶺西岷峨老僧導我踏諸勝清晨拂露一杖拖  
三十六亭惟斷碣荒榛蔓草空婆娑有穴潛通包山窟眞  
仙洞府龍所呵柳毅井瀾清且冽下瞰疑有潛蛟鼉我欲  
叩之問所以山深橘樹迷煙蘿不如尋取石穴酒一醉干  
載朱顏酡朗吟長嘯生羽翼乘風一舉凌霄摩跨鶴仙人  
杳何所空令此意成蹉跎

荷亭歌 有引

亭爲鎮平將軍建極木石之都麗在武陵稱巨觀不一  
載將軍病垂歿信青烏家言毀之爲作此歌

君不見城南荷池水瀾漫荷風搖折亭亭餘去來不見采

蓮人桂館松軒逐雲散往歲將軍射獵歸斑駟長繫垂楊  
岸徵材伐石起突兀旌旗拂水光淩亂亭中飲酒亭下舞  
羅襪淩波步頻換曼聲抗墜曲欲終哀箏急管風吹斷將  
軍聽之起三歎雄心漸滅隨霜霰酒闌月墮可憐秋花底  
鴛鴦重被彈荷亭荷亭人事興衰何足算今日灰飛昨霞  
燦回頭池水涸生塵彈指花開錦如爛新蒲細柳愁殺人  
黃昏莫上亭前看

蓬萊閣觀海

蓬萊高閣東牟東凭欄四眺天宇空海波搖撼溱溱汎汎晨  
昏一氣鴻冥中我行盛夏日卓午解襟磅礴來天風平生  
眼力無疆界不到涯涘誰能窮近如練影白皜遠如朝

氣青濛濛初如磨光鏡出匣倏如瀉冶金在鎔須臾變態  
生萬象天吳施手工形容蕩搖波面諸島嶼東西連屬拖  
長虹大竹小竹亘蒼翠長山黑山紛從龍沙門巨鎮遞隱  
見鼉磯一點撐波雄秦皇驅石鞭不動巨靈怒置蛟龍宮  
六鼇鼓力負之出屹立萬古青芙蓉有時雲影幻城郭珠  
宮隱隱瓊樓通或言蜃氣恣噴薄巧篆雲錦貪天功或言  
羣仙所都邑神仙縹渺凌蒼穹浮丘安期已杳莫延頸企  
足難爲逢華陽巾子兩道士虛無指點開心胸安得移書  
告海若積誠感格如坡翁夕陽倒景不可住解鞵促去行  
匆匆幾時來看日車轉火輪一渴扶桑紅

九日次李中丞韻

折荷趨幕府把菊又秋高  
細雨縈愁結繁霜集鬢毛  
聞窗延嶽色欹枕聽湘濤  
讀罷嚴公詠鄉心轉桔槔

夜雨次中丞李公韻

清秋幕府雨聲寒策策高梧壓井闌  
自掩蕉窗憑倦枕誰操蓮葉趁飛湍  
依人何處無彈鋏適館初來有授餐  
卑澗卻愁侵缺劍鐙前拂拭幾回看

長沙卑溼那堪聞廬井淒淒半水濱  
四國民艱郇伯勞二南地濶召公分  
敷天膏澤滋湘雨格帝精誠動嶽雲  
筭有衣裳困有粟瘳人何以答邦君

下士虛聲上相聞遠攜書劍赴湘濱  
青霄毛羽甯相假黃閣丹鉛許其分  
賈傅文章回日月陶公鈇鉞肅風雲  
衡門

盡有閒田地總罷耰鋤待使君

胡復翁期恆 二十三首

期恆字元方號復齋武陵人康熙乙酉舉人

聖祖南巡以獻詩授翰林院典籍與修佩文韻府  
出爲夔州通判時年大將軍羹堯方撫川甫半年  
遷知重慶踰年分巡川東大將軍兼督閩移巡陝  
東又踰年爲布政使未幾遂巡撫甘肅羹堯敗下  
獄 純廟登極得歸且給還田宅居無錫又遷  
揚州久之卒武陵胡氏門才之盛與楊氏等復翁  
父祖皆高官家世廕仕其父方伯公獻徵與年家  
有舊復翁少與大將軍昵其才又爲大將軍所賞

服故黜遷至甘撫一旦失勢人遂以年黨疑之全  
謝山太史嘗力辨其誣謂復翁於大將軍前微諷  
面折多所救正大將軍驕汰恃才凌厲見之者輒  
自膽落復翁處之坦然爲巡道時嘗杖其奴之凌  
辱華陽令者奴泣訴大將軍勿問也自是諸奴稍  
畏憚君不敢違守令仗之得自振刷又嘗以微言  
勸大將軍持盈與唯呵咳唾之流不可同日語大  
將軍事敗事之者方百計攻之以求免禍而復翁  
連章引咎自甘逮訊爲末俗所難能又言方君荷  
世宗眷昧時力薦起蔡文勤公於田閒遂得  
召爲甘盤舊學弼成 高宗嗣統之盛尤功在

天下而人不知者其言如此則復翁之本末亦可  
畧見矣其詩激昂跌宕凌厲無前大抵亦以才氣  
勝不止競爽羣季克繩祖武已也有蜀道等集未  
見

中巖

清曉發眉州頃刻四十里推蓬望中巖青碧連雲起策杖

試登陟危樓仄傾圯初經喚魚池孤壁半天倚清池下有魚

聞撫掌聲古佛嵌巖竇眉宇照清泚游鯈不受釣深藏絕

壑裏撫掌時一出旋歸虛無底彎環一徑青窈窕千山紫

流鶻放大極荒亭存故址月窟挂獼猴雲根吠枸杞自在山多

原座鼓勇登上寺石筍峙三趾罅隙漏天光森巖若軍壘



龍中老尊宿宴坐常凭几叩鑰著靈異青泥流石髓自注相傳

諾詎那尊者昔在牛頭寺與主僧本鑰題云異時至眉州中崑扣石符當再見後僧至中崑持鑰叩之石忽裂而為

三尊者本不入涅槃度世無時已何當隻履遺從師誓不

死

### 東郊觀穫

重陰已匝月嘉穀困風雨夜半結微霜朝曦曜庭宇盥洗  
放早衙弓刀散徒旅出門便清暢曠若解簪組鵲知我意  
歡枝頭頻好語前驅屏騎從後乘攜賓侶下馬引徐步藜  
杖煩撐拄農夫不愛力縛藁如縛虎畦隴布秔稻村莊開  
兒女我有江上田今成不毛土何年使歸耕請學農與圃

### 生朝自壽

我生之初歲辛亥嘉平月朔維戊寅巡鹽使者程侍御自  
名可則先閣部公叩門來賀凌清晨自脫豸服作文襍笑  
謂此子非凡倫豈知三十困場屋騎驢踏徧京華塵恭逢  
先皇南巡狩行宮名試羅儒珍臨軒策名冠多士沙鷗  
竟許陪鵷羣校書天祿七寒暑陔官蜀道乘朱輪雄藩百  
二領岳牧金城建節來西秦才疏知短獲愆咎 聖朝寬  
大猶全身新政赦罪號渙汗惟天惟大惟堯仁蠲租放逋  
億萬萬四野帛菽堆雲屯閑身京洛過周歲兩經初度逢  
生辰老妻十載隔風雪再許完聚皆 君恩買羊沽酒名  
姻婭密坐眞率祛繁文富貴憂患已徧歷從茲不羞賤與  
貧明年此日歸閭里故鄉應有無邊春

灩澦堆

大江西來四千里爭入一線夔門天夔門偏仄不肯受回  
波捲浪青雲顛白鹽赤甲互犄角日與水鬪尋戈鏃巴蜀  
雪消春漲發何人敢放東吳船奇哉峽口灩澦石巍然獨  
立江中閒白帝逶迤作屏幃瞿唐環繞如晶盤千溪萬壑  
雷電激中流一柱來當前有時如象又如馬出沒變化難  
言詮江流縱強亦退聽勢窮力竭翻求憐步依灩澦支派  
派安流而下生洄瀾夔門巫峽二百里本爲險地今平川  
乃知天意畏傾覆自注反少陵語畱此要令江無權共傳禹功費  
鑄鑿巨靈神斧開煙巒至今百神遞呵護絕頂不敢停鷹  
鷂朝宗萬派必經此好與嵩岳名俱傳

樓山關次大中丞張得第碑陰韻

原注碑刻於康熙八年二月爲風雨

剝蝕以意推求始能辨識

天意留重險當年此建關提封開絕域雄勢壓諸山食貨通三楚烽煙靖八蠻摩崖剝苔蘚彷彿認癯顏

### 仁懷水路

水勢正奔忙山形復閉藏珍珠拋碧澗銀液瀉虹梁樹色丹青老春陰氣候涼中流蹲巨石應號小瞿唐

### 重陽前四日自夔州赴成都作

曉出雲安郭層城霽景鮮霜消重九水風送上游船佳氣占旌旆歡聲溢管絃此邦真樂土十國盡豐年

### 固始道中遇雨

四野雲初合三時雨及辰農知歌帝力自注是天邊  
作詩人遠樹青如染平田綠正勻村醪亦香美珍重玉壺  
春

初除夔州江行之任

五年猶未及瓜期寵命驚傳自玉墀江上專城如半壁鏡  
中雙鬢未全絲蹉跎歲月歸田計慚愧夔龍薦牘詞一葉  
輕舟載家具依然琴鶴鎮相隨

文章勲業愧前賢官職年華竊比肩自注樂天年四十七  
由江州司馬除忠州

刺青嶂千重夔子國黃花一棹使君船秋風夜雨饒清景  
水滿江平趁好天見說此邦多勝概參差樓閣五雲邊

五日晚坐小閣望江懷武英殿同事諸公

角黍堆盤繫綵絲殊鄉節物意多違三年紫禁催題扇注自  
余在翰林每逢重五禁中宣索甚急八度黃扉換賜衣自注余直武  
出扇分題中使宣索甚急八度黃扉換賜衣自注余直武  
紗十上直編摩多其席自注余直廬坐處與吳中允退朝  
六襲山崙吳編修荆山同年相連  
休沐每同歸夕自注武英舊例自元旦後三日即入直至除  
而令萬里西川去獨上江樓望夕暉

九日次韻

苦雨終風節序逢異鄉秋景似深冬丹心白髮三千丈紅  
樹青山一萬重未要漢庭栽苜宿且依幕府種芙蓉朝來  
鏡裏添惆悵功業何年上鼎鐘

選勝憑高望若仙觴分餘瀝醉鈞天新詞脫手千言就盛  
事朝萬口傳遠岫陰陰還釀雨嘉賓秩秩恰初筵相從

步屣歸來晚騎馬東華記昔年

次韻玉林寄懷

萬里封題慰別情開城情與墨俱濃  
三年悵望蠻江雨百徧吟殘郡閣鐘  
未減清狂猶舞蔗何妨登眺自攜筇  
村南舊有魚磯在莫認行雲作定蹤

立春內江卽事

玉壘峯晴翠作堆金堂水暖碧波涵  
寒從昨夜三更減注自是日丑  
人與春風一日來紫陌未飄京兆柳  
紅粧爭插壽陽梅酒壚依樣臨邛好  
只少雍容車騎才

次韻酬汪葵九監司

東華歡宴記風流西蜀干旌擁上游  
奪席慣容三獨坐拜

官雄長六諸侯

自注建南監司領一郡守一別駕四牧

連山晴雪開天壁繞

郭長江枕郡樓千古詩人爭羨地漢嘉今喜得荊州

元旦 朝賀追憶直廬舊事

觚稜金碧煥朝曦殿角遙看列獸樽曾記直廬趨右翼自注

武英直廬在右翼門外每隨上相入端門繖圍仙仗千官肅自注立仗儀衛

中惟繖袍惹天香兩袖溫今日招提同拜舞可知萬里共

最多承恩自注時在大士間行禮

播州桃源至喜亭

城東仙蹟傍城闌咫尺靈源隔世塵盡翦榛荆羅萬象別

栽桃柳繪三春山川故事他年語雲水風流現在身合是

漁郎迷路到不妨雞黍會秦人



答吳生

來從幕府會才賢  
書記翩翩孰並肩  
笑我久爲峨嶺客  
同君且上益州船  
關河四塞通秦地  
鎖鑰三巴控楚天  
形勝自雄詩思壯  
樓臺應在斗牛邊

江門峽和韻

巨斧何年闢兩門  
建瓴雄勢漲山痕  
神功想見刊夷績  
設險曾銷寇盜魂  
過眼煙巒窮變幻  
盪胸雲水割朝昏  
是中台是通仙路  
爲訪眞靈迹尙存

次韻舟中夜坐

紅螺細椀插觥籌  
滿泛新篘醉未休  
嘉客每將詩引興  
春江正與月同流  
良辰樂事今朝并  
水色燈光入夜浮  
只此

歡娛足歌嘯世間無物可關愁

九日南樓留別

不爲悲秋感不禁朝來張別倍蕭森望雲空下思親淚飲  
水猶存報主心風雅憑誰傳爵里江山此日惜登臨  
伐檀深愧詩人意賸有樓頭幾醉吟

題扇頭櫻筍

珍珠的皪玉參差嫩綠嬌紅絕妙姿  
想像江南好風景畫橋煙雨泊船時

上元日成都作

千門鐙火月初圓九陌笙歌夜未闌  
曾是開元巡幸地至今風景似長安

沅湘耆舊集卷第六十九終

沅湘耆舊集卷第七十

新化鄧顯鶴湘臯編輯

長沙毛國翰青垣校訂

彭尙書維新七十七首

維新字石原號餘山茶陵人康熙丙戌進士改庶  
吉士散館授編修累遷贊善諭德授山東學政雍正  
正改元充日講起居注官授浙江學政遷少詹  
事出爲直隸按察使遷河南布政使擢禮部右侍  
郎充經筵講官調吏部右侍郎尋命往江南會  
同巡撫尹繼善清理積欠錢糧事竣轉吏部左侍  
郎遷都察院左都御史署刑部尙書調戶部尙書

協辦大學士總理戶部爲果親王所劾部議擬以  
重典 純廟登極釋其罪令畧左都御史尋丁  
父憂回籍服闋卽家授左都御史復爲御史王俊  
所劾尋革職未幾復授戶部侍郎擢兵部尙書充  
三禮館副總裁會試副考官尋充經筵講官復以  
議處總兵高奇案違例革職久之始卒尙書博聞  
強記居官綜覈名實清操毅然屢起屢躋不少貶  
抑有墨香閣集詩古今體宗法甚正古體尤多沈  
博瓌麗之作入 國朝來吾楚館閣諸老恪勤而  
外殆未有逾於尙書者矣

泰山頂觀日出

高寒逼象緯中夜鳴天風溟渤眇何許半壁搖長虹低昂  
互明滅峯頂光能熊崖巖迭變幻歛忽殊青紅人間正酣  
臥下睇煙溟濛

秋夕

午夜涼颺生秋聲驚坐寐月色盈中庭桐陰減半砌志士  
感時節繁憂浩無際碧宇河漢橫寥廓絕纖翳太虛本澄  
明塵勞徒做散人心有天遊胡爲自膠戾

貰酒不盡飲旅顏成半酣世味閒愈澹夜吟秋更多蟋蟀  
無意緒苦效商聲歌我聽猶絲管翻賴蠲宿疴篆煙靜不  
散井水寒無波燭光熒斐几聖籍紛駢羅

碧泉巖

原注一作滴泉在靈巖右廣深僅尋丈丹壁  
一罅微涓餘滴多寡遲速如一無少差忒

茲崖蘊高德不欲矜有餘盈腹貯乳水纖緯擘鳴珮琚夏潤  
冬不縮點滴均數疏一綫下雲竇滙入芙蓉渠原注雲鏡  
澄天在水巾無驚餌魚會洗仙藥鼎時濺遊人裾綠苔有  
新意丹壁無宿淤窄仄足容膝可以讀吾書穉松匠戢戢  
好風來徐徐茶鐺近挹取小啜塵慮祛流潤歷千劫應有  
神物居何當作霖雨及時起焦枯原注時苦旱

### 登華

題氣澄心魂秋暉開霧谷

原注山麓為五里關即張超霧市

迥磴窮攀陟

鎮儀一肅穆山半理青鞵

原注至青柯坪筍輿不能上

崖臆吼怒濕路

轉捩石棧曠深巖攢木井窺寥天影清劃厚地軸

原注上尺曠百

人井犁溝

峻嶺魚脊歛

原注蒼龍嶺最斗絕

尻行猶卻縮左右巉無

根孰敢一移日經時始出險四體脫扶服玉池水汨汨老

松風設設盤迴抵南峯昏墨沸蝙蝠古廟棲高寒呼吸鏗

幽獨星象大如箕奮芒簷際宿碧火飛碎團罡風雁字轉

晨起看諸嶺雲海露萬鏃一髮黃河走高掌積疥瘡原注

仙掌皆大小積溜巽洞辭探討原注道人導觀遊歸途滋

習躡茲山巨秦甸骨立無肌肉天半垂筐繩雲際懸板屋

何代鑱山靈組縉徧巔腹道廣乘麟遊退之投書哭羽化

疑荒唐垂堂白慙慙一墜那得取原注杜少陵句悔狂當三復

春遊雜吟五首次趙秋谷前輩韻

冱寒蘊元化釀此無邊春光風洗黯黥老物呈鮮新遙山

突入戶半壁青嶙峒晴空雲藹藹碧沼波鱗鱗樂意到魚



鳥飛泳羣相親農事以時舉錢鏞亦已陳林閒鳴社鼓陌  
上扶醉人昇平太和徧何處容鬱堙

歲晚冰雪攢衆卉泯無迹一自春風來是處草痕碧桃杏  
矜豔陽倚笑東郊陌習經寒與暄獨有舊松柏甘避踏花  
塵雲煙共朝夕

繁枝簇蓓蕾東風爲吹開爛漫曾幾時片片飛綠苔開落  
皆東風昧者紛疑猜芳時異搖落胡爲有曠摧君看蒼巖  
樹榮悴何預哉

三月春浩浩楊柳披清池依依綴柔葉裊裊垂長絲遊人  
就帷幄詞客吟葳蕤不願蒙顧盼願勿攀折之攀折亦易  
盡來歲無好枝

繁英已續紛花風未吹棟今歲桐葉墮化工不肯倦原注今歲

逢開節密樹百啣鴛畫梁雙歸燕富兒羅輦穩閉戶開廣

宴獨有靜觀人早識東風面筇杖牧將歸陽春在吟卷

按試東昌塗次送季弟叶五還楚鄉試

久度歸有期我心已如擣經年共長檠今晨涉遠道常勸  
加餐飯茲食翻不飽至樂在天倫宦遊憾太早也知撥科  
榮那勝聯牀好物役各有程世鞅均未了歧路空踟躕此  
別殊草草去去兩相望野煙霽樹杪

次王子未除夕懷親韻原注王子未禮陽人請選京師

朔吹連夕號塞鴻夏天路浩浩輪甌中冰雪歲復暮遊子  
思故鄉况乃縈孺慕捧檄期何迫獻節時已誤紉線猶在

秋未忍再三願蟻泛吟更悲雞鳴眠屢寤我亦延佇人愁

讀仙芝句原注晉江偉冬夜思親詩思我慈父運首延佇唐丁僊芝除夕吟開正獻歲酒千里隔庭關

### 宿雁蕩碧霄洞

龍雁崖谷奇茲洞尤肅爽原注肅爽用玉罅磴螺仰旋昏

聖躋高厰倚石嵌層樓跨空凌萬象突兀攢牙角秋雲餘

一掌忽訝峯顛明遙岑新月上清景豁懷抱顛氣溢帷幌

衆籟俱寂然葉落四山響歷歷曾夢遊登陟猶髣髴原注

每夜夢至一山有詩置我冰壺中時作鸞鶴想原注

### 姚僊嶺

原注濶原注道中  
凌晨戒徒旅亭午疲翫航仰陟猶未歇我身在危嶠仄徑

老木攢迴磴蒼藤掉天光相蔽虧陰崖穿竅窈窕潛唯

伺猿伏迭號嘯越疆地  
底看溟海襟前眺墨雲低可探炎  
歛舒炎燎山上山更高行行偈層峭

括蒼道中題交青驛壁

交青幾萬仞

原注交青蓮嶂接括蒼山

天界疑未分行客躡青嶂秋風

吹白雲衆皴披迢遞層巒鬱續紛山坳非無寺鐘聲杳不  
聞驛亭半懸崖白晝眠塵麋孰云神仙窟空悸徒旅羣前  
山更竦險亭午愁日曛

曹娥廟

颯颯靈旗風浩浩娥江水廟祀無時歆孝女元不死姓氏  
光天地惠澤霑族里口碑萬古心黃絹辭未美

原注廟側多曹姓

孫子未梅雪圖

頽雲黯澹酸澀風雪花如掌填層空脆葉柔條久消歇桃  
株李柯難白紅老梅森竦幽崖側賦形礪柯香沖融翻光  
搖素互相得何假黃昏月朦朧由來孤幹幹元化寒威雖  
勁無能攻衆植盛時甘索寞乾坤賴此收成功縱不作花  
風格在天意特借開羣蒙歲寒標異非所願澗畔蒼叟心  
跡同

次涔東兄得月軒韻

楚天雨霽湖煙歇玻瓈盆是銀蟾窟除卻海上三神山天  
下無如洞庭月軒櫺著處鄰龍堂夕窗早逗金波光蚌胎  
遊彩遊汗漫神女弄珠來徜徉澧浦粘天月如水此閒那  
復容塵滓怪得新詩清徹底君身長在冰壺裏

蓬萊閣觀海

蓬萊飛閣背懸碧環四極無涯邊元精浩浩融天地歔  
歔一氣渾坤乾端見泯盡太虛表體勢吐居洪荒前八十  
一分之一神州窄九點區區實此難爲煙况乃五湖與四  
瀆極力委輸皆微涓扶搖鼓翼眇何許縱有大鵬猶孤鳶  
始知山海十洲記亦誕混淪爲岸空漠安得容神仙是日  
風恬浪不起天吳海若耽晝眠近島遙興蟻蠓耳何礙漉  
淡澄靜空明無量之寥天廣深不測窮名狀古昔賦手徒  
雕鏤羲和馭日行水底浮光蕩眼勞迴旋身世搖搖如夢  
寐樓端迴立志拘攣

次韻梁進士道始贈端硯

斧柯山石枕灘水水氣蒸酣淡肌理上下中龍分四崖蝸  
 殼蜂房穿地底蒸白火黯鸚鵡晴時人所寶皆痼痾老工  
 世業知妍媸割擇菁華棄莠秕傲欵徒誇龍尾金唐宋祇  
 貴豬肝紫晚出者乃純粹精昔鑿膚皮今骨髓近來羣賞  
 青花良好事不恡百金市益豪發墨難兩兼並行不悖斯  
 為美梁君憐我經年來遺將片玉光窗几質醇製古顏蒼  
 深細黏舌滑不畱指原注相研者以  
黏舌滑指為訣石盆注水迎朝暉瑣  
 碎青痕隱隱起十手對面何足云隄麋看處無纖滓相投  
 瓊瑀君多情取注蟲魚我亦恥何以報之心躊躇六經注  
 釋從今始

楓橋夢

原注時徐正峯率  
吳江為子道其事

暝荷飲露文鷺匝吳孃迴漿邀客醉曉日曾逢塘上筵  
情縈鏤金粟珥遊絲過雲嬌歌清琵琶絃撥琤琤鳴玉山  
半倒翻盃觥有耳不聞蝦蟇更亂鷓鴣喚得東方白啄盡楓  
橋兩船麥

新塘白沙行爲翁孝子作

新塘之站湘流汎汎孝子不知吟魂此陷白沙之洲隄阜  
幽幽孝子不知蛻體此畱陷而畱者爲誰氏翁孝子父泚

佳士舟遺一篋爲契繻神揭兩言該端委

原注遺一篋舟中繻鎖其鎖鑰

自佩孝子兄弟屢卜於神神示生還二字

當年粵遊遺二雜鐙下回顧垂模劬

稍長奉母不識父相對淚痕流欲枯禱神神示生還兆違  
恤萬里千里塗雁行分番彭孤往鶴原共逐聲悲呼行犯



蛟鼉衝豺虎尋微嶺嶠窮江湖手足皸瘃肌膚槁頻年飲  
泣南天隅一息尙存心不死四迴兆告神豈誣神人感兆  
事奇絕意外遭逢大曲折浮家往復衡湘閒風景無蹤求  
不輟嘔心慟哭蒼梧江江上老人遮道說昔年弟溺依羣  
叢驚見寒尸共糾紲爲憐同難謀瘞藏擇得白沙高敞穴  
當時雜佩全消亡祇存一鎗未磨滅遣報阿姊滋慘傷篋  
鑰合驗無差別異哉微此羣疑生往事預爲今日設四千  
里外垂老農三十六年徑寸鐵魚鑰竟是身關鍵鯢齒乃  
代天喉舌弟名海生兄海還生還神兆明辨哲新塘白沙  
湘岸隈遺孤衰經陳明燊永傷母忘今歲時未能同穴題  
禮碑所冀魂氣無不之作牧茲土猶家祠何異生還祀享

姚江涓迴憶前事涕漣河緣此得名心轉悲此事端緒斷  
續殊迷離彼蒼藉以開羣蚩天道人理無兩歧人心之天  
堅不移直可噓枯甦霜飈何況氣體一脈遺負擔刺船備  
嘗險阻卽是親之枝應違惟視誠盈虧明神義士遺鏞均  
緣孝子心爲基官閣之人疇昔鐙下兒孝本庸行非神奇

附錄朱梅崖翁孝子傳略孝子曰運槐父憊庵餘姚諸生也性好遊其  
後遂死于楚而家人不知也孝子有弟運標方三歲有姊一人其家恐  
失孝子孝子出求父經年輒追孝子反於是孝子弟運標成進士孝子  
益心動告母曰兒不得父不活於人世矣母子大泣卒與其弟同出求  
父徬徨無所遇禱於神抵道州新地遇老父語老父有弟覆舟幸附流  
屍不死德而葬之甞屍物爲驗老父出驗而流屍者果孝子父也一市  
盡驚崇梅崖此文敘次稍誤爲略正之先是孝子卜於神得讚曰扁舟  
風雨泊江干兄弟相看夢寐間已分天涯成死別誰知意外得生還三  
卜而三兆後遇老父曰鄭海還其弟曰海生始悟生還二字應於鄭氏  
兄弟又孝子父泊舟而陽失所在遺一篋扁扁而失其篋同舟以還其  
家其女謹守之至是鄭氏出篋歲孝子持歸示其姊則所手製者以  
綸啟送牝牡胎合異哉乾隆初運標爲武陵知縣建啟鏞亭於墓側

度洞庭譚紫璽於舟中彈琴

峭帆影掠君山青碧光浩淼涵殘星起坐蒸香塵慮寂耳  
畔清籟時瓏玲浮金演漾日初出風水相得聲泠泠平澹  
紆徐有餘意雲和瑟調慙湘靈春正煦和五兩正撥刺疑  
有魚出聽湖心今古波浪闊金鏞競奏鉤驚靈軒帝雲旗  
絡繹出咸池大樂張洞庭毛髮凜慄心魂悸高會酬獻何  
時停歛覺讌畢恬笑語悠揚曲終入青冥蕪蒲新茁荻芽  
長颯颯亂拂船窗櫺五載俗情移流水起視羲馭斜飛駢  
由來妙手工撫弄半日偷寫窮神形琴耶水耶難區別太  
古元音隨歸舫黃陵廟前酌美酒青苔白石江花馨更煩  
禮神彈一曲無數雁羣集迴汀

原注是晚泊舟黃陵廟  
更彈平少落雁一曲

母蒼蒼山色暮仙璈答響紫翠屏

舟游湘江臥聽紫璽彈落雁操次王嵎雪韻

湖波穩度辭鷺風黑甜鄉闕春怡融夢好雁羣聲驚覺昨  
暮琴聲疑未終隔簾有客重揮手曲調不殊音節工是日  
風恬雲澹澹茶煙一縷紫箬篷賓朋寂坐篙師靜心手調  
適流商宮舟行迴絕人閒世微妙直與鬼神通窗外平沙  
帶流水披衣欹枕思無窮頻年塵夢九衢裏心爲形役徒  
憧憧安得飯熟猶酣睡到耳潤泉響玲瓏郊生拄杖半赤  
縣攝將勝概歸絲桐鄂渚清挂帆泝潭浦遙程時聽開心胸  
清絕今宵好鼓弄麓山西面湘水東

原注是日可抵長沙

贈陳侶柏

有序

卷之三十一  
十一  
大  
侶柏自號橘中叟性剛直博學強記工詩旁及篆刻繪  
事先世黃州人明末值流寇避金陵後入秦幕歸隱譙  
北茲遊京師與余寓鄰相酬唱天寒索飲酒半見余古  
劍作長歌有奇氣因次其韻和贈

古勗詩狂橘中叟經史膏腴皆上口鐵筆縱橫師鼎彝毛  
錐抑壓圖花柳自云方山子嫡裔世次縣延代廿九年十  
四冠童子軍膠庠角藝壓曹偶勝國未造封豕笑江黃家  
徙倉黃走江濤洶涌河浪黃東風飄泊成皓首蘭成作賦  
哀江南王粲從軍客關右壯志摧頽機久息譙南卜宅桑  
蔭畝比綠訪舊來京國夢魂夜夜依林鬱看君古貌含古  
心推翰風味斷翰手羣公傾倒陳夢公招延雜遝爭擁帚

性不諧俗遠時輩詩壇藝苑恆多否與余比舍還往密歲  
晚聯吟互繩糾晨寒索飲款齋扉傾盡閑官度歲酒銜杯  
看劍作長歌冰雪月露紛騰蹂自注韓昌黎劍詩我心如  
冰劍如雪李長吉劍歌隙  
月斜明昌黎首領昌谷泣前賢喜得同聲友階飛雪花大  
刮露寒  
如掌猶飈颯颯搖戶牖興酣驅墨池不凍卻疑春氣歸何  
斗犀匣忽發雲霞光鬱戔欲作蛟龍吼那能復惜青銅錢  
市醪更爲酤五斗

木石居端硯有序

攸縣劉蛸翁所藏硯名木石居榕瘦索絡端石隨石屈  
曲窪突相赴體製天然奇古翁云元至正閒發自番舶  
明末得自民間席閒出以示予

星隕蠻荒化拳石竄入蟠曲榕根隙土膏潮氣潛薰灼木

石渾融忘主客歷劫閱藏夜吐光波斯老賈停番舶低徊

淡月不肯去招羣注視眼瞪碧三霄三晝攢鋤鋏斜穿輿

突百餘尺就中刷得紅紫團驚喜狂呼勝拱壁

原注峭翁所述云云

叢筋蹙縮互羅絡大如螭蚪小蜥蜴捧來質重三品金剖

時氣索百工役巧匠奏刀神慘澹劃開混沌可無迹中含

粹玉瑩且堅外苞蒼皮韌不坳坳突中外彌縫密何異肌

膚裏骨絡兔豪愜適龍賓愁嶺海傳聞自疇昔談出人閒

三百載不審何時落閭陌南雲居士稱好事平生嗜古成

積癖蟾蛄硯滴仇池水怪怪奇奇羅几席物聚所好神物

歸賤直售將十斛麥糶以蜀山文梓匣襲以瑤天蘭藹帛

吟餘得意頻摩抄晴窗開跡如新獲賓朋滿座求一覲手  
把森然動心魄吁嗟造物何神奇兩美脗合同血脈杜陵  
久歿昌谷死誰揮健筆工刻畫屬我卽席爲長歌欲作奇  
語轉踟躕更待淋漓酣醉時紅牋絡繹爲君擘

題羅飯牛風雨載酒圖

連日狂飈挾猛雨天涯搖落愁羈旅吟詩無興歌無勸澆  
腸何處賒芳醕歎然一葉橫江來索郎相顧思同語憑將  
春色省悲秋原注酒多稱春有稱洞庭春色者青錢未辦涎已流  
被除萬事惟此物相與翦燭攢觥籌望梅止渴圖中求誰歟作者  
羅飯牛

贈華陰令簡霞山



怪得清臞甚峻嶒  
嶽影侵行田仙掌  
下視事碧蓮陰露洗  
三峯月風攢萬戶  
破此詩崖瀑響流水  
入鳴琴

過方靈臯

原注時靈臯以病  
假寄寓西山僧舍

謁假依僧室身心  
贖得閑粥魚消噩  
夢霧豹養深山榆  
莢踰窗墮苔錢上  
壁班已無人跡到  
板戶晝常關

隆平鎮夜泊

暮帆風澹澹夾港  
水泠泠斜照有餘  
映遠山無數青牧  
歸分野徑漁宿卽  
迴汀江步千家市  
繁鐙雜列星

尋峽山寺三生石  
張照人先往不相  
及時已抵暮招之  
返舟

同訪三生石相違  
一澗煙亦知行不  
遠祇在短橋邊峽  
樹

寒殘照山風壯暮泉前峯不可到還共宿江船

秋感二首

空堂簷影落吟倚次寥天暝色迷歸翼涼颺急亂蟬羈愁  
隨處著秋月向人圓好在叢生桂山齋鎖暮煙

學幻元無意言歸偶未能漫勞騎鶴客大笑啞羊僧雁影  
低涼月蟲聲滿夜鐙故山遺舊夢秋被易曹騰

贈石門僧鑒初

聊此安餅鉢焉知歲向殘萬峯攢草屋孤影寄蒲團砌雪  
前冬積鑪灰永夜寒廣長宣妙諦飛瀑落簷端

登碧霄峯頂

晚風吹兩腋歛已上孱顏落葉滿寒水夕陽移遠山塵鞴

何日息役役暫時閑始信樵耕樂崖居早掩關

雁蕩五首

有引錄三

山有東西二谷崖壑奇麗謝康樂守永嘉伐木開道白  
崖而返至南宋此山始顯從前未有知者大龍湫在西  
谷中

一徑秋雲上千峯窅壑中馬蹏侵犖鳥道闕鴻濛崖仄  
泔泔溼橋欹浩浩風垂堂非不戒爲愛谷西東

謝公嶺

棟庀攢天巧雲嵐作畫陰望中疑締構著處自森沈山翠  
寒僧面溪聲洗客心卻忘郵驛近塵土在衣襟

石梁洞

澗風臨夕急落木颯紛紛僧踏橋邊月人家嶺半雲地植  
到芋火山屐染苔痕龍雁秋光好煙嵐許共分

原注宿龍仁寺

山陰舟行睡起煎茶次襄滄曉韻

擊鉢驚殘夢春雲放午晴披衣不暇嬾卷幔有餘清梳攝  
千峯翠錯收萬壑聲武夷會棹徧未抵此中行

滄曉入天台予待於國清寺逾日不歸詩以招之  
布襪羸糧去天台第幾峯閑雲滿空谷無處覓行蹤瀑水  
飛梁險瓊臺仄徑封山中空信宿蔬筍待齋鐘

次安東

有引

庚戌七月江北淮陽邳徐大水民間草根樹皮都盡奉  
命同侍郎馬公督振務行次安東感而有作

舊堞斜欹照危檣犯怒湍河聲趨海急秋色入城寒下地  
清防廢荒年草樹殫宣恩愁不逮當食忍加餐

河隄雨宿

暮雨阻驅馳河亭寄一枝秋鎧經夕耿戍鼓到窗遲飢鼠  
翻叢牘寒螿訴斷籬夜長渾不寐門外有遺黎

曉發版浦望海中雲臺山

飛棹疾輕鷗王程敢暫留侵衣晨露重吹面海風秋心警  
無涯水身同不繫舟雲臺青入望溟漲日初浮

遊峽山飛來寺六首

有引

寺居山半舊傳神化方士運自舒州自寺左上里許更  
深蔚有亭及靜室後峯極高卽寺後山也

峽流歸檢勒山勢與逢迎峭嶠濼澗裏遷延宛轉行壁蘿  
屯古綠石漚滴深清是處耽幽賞青鞵不計程

澗草霑泥澀頻疑過鹿羣中峯時一雨初地更層雲磴仄  
藤根護崖開樹影分香臺行漸近疏磬隔林聞

不獨亭臺勝天然景更饒螭階千嶂簇巒微百靈朝崖洞

環禪室池潭應海潮軒窗天半傲鷲嶺遜岩堯

原注杭州靈隱寺無

此高  
做

孤亭懸樹杪仄磴入雲頻地自六朝關山藏遠古春明霞

攢佛頂空翠著僧身永晝聲聞寂金鈴語相輪

出入渾無路松篁障碧霄瀑泉飛近竈湖石臥成橋雲老

菌芝詭山深猿鳥驕此閒容隱跡叢桂許誰招

欲極炎荒目還登黛巘顛由來雲起處祇在石欹邊海嶠

通三島東南混一煙嘯吟聊小試搔首問青天

峽山坡仙亭次壁閒韻

原注亭在山叻池深樹老饒有勝致亭畔石上有三片石

三字東坡所題

澄徹靈泉滙森沈老樹稠無雲霏細雨當暑威高秋萬里  
孤臣迹三生片石畱惠儋塗更遠應憶峽山遊

遊韜光寺

仄銜盤峯頂層臺倚樹陰仙塵全隔絕景物自森沈苦  
封山脊松花落井心上方兼輿曠行坐愜幽尋

淮口舟夜

戍角吹將徹檣帆未輟征斷雲迷雁影亂葦急蟲聲晚暮  
才彌拙羈離感易生如淮雖有酒那解灌愁城

江岸晚霽

谷口雨初歇渡頭雲亂飛  
樵風吹箬艇宿影出荆扉  
綠漲桑枝重青攢稻葉肥  
江村斜照裏誰與畫將歸

使越舟泊尹山橋同年吳江令徐正峯攜樽夜話

黃鵠磯頭讌酣吟激大風

原注共話  
乙酉舊事

自憐霜鬢改復此一

尊同淮甸凋殘柳吳江落盡楓  
羈懷今頓豁話舊夜燈紅

### 鄉思

數憶書樓北溪潭對里門  
同儕曾共憩舊事與誰論  
燕壘泥香溼漁磯蘚氣溫  
風光仍不減鄉思劇黃昏

### 北河阻風

河漲秋森後舟遲逆浪中  
遙天渾在水亂葦善留風  
雞犬寒原寂魚鰕舊浦空  
客愁無可遣竟日數征鴻



元日朝回有作疊前韻和錢天槎

天上春風撲繡鞍朝回馬上詠詩殘  
簇門剝啄長衢沸閉戶盤桓斗室寬  
袖染鑪煙書歲帙視蒸雲氣破春寒  
幾人今日能清坐九陌車塵正未闌

屠蘇酒注紫螺卮靜對金猊吐篆絲  
自覺心閑堪學道從教宦巧競逢時  
冉冉春雲靄小院遲遲日晷移  
今夕開樽殊往夕隔牆簫管不停吹

原注此鄰新遷至者歌管竟夕

遊衡山二首

浹旬汎宅將迎少清曉山容面目真  
七十二峯新沐色四千餘里乍歸身  
染衣塵土非今我矚眼煙巒是故人  
僂擬搘筇登絕頂盪胸雲海莫辭頻

一徑縈紆萬壑閒松陰沓靄水淙潺暫離舟楫經旬暑來  
趁煙霞兩日閑數里一亭疑入畫幾人六月肯尋山籃輿  
薄暮穿林出舉首雲峯幾翠鬟

壬辰夏假滿入都同年潘特書留止寓齋集同人公

讌賦詩次韻一首

迴首劇憐行路難荒雞野店壁鐙殘途勞彌信長安樂身  
定方知斗室寬舊甌塵封虛祿米故人情重具盤餐聯吟  
散帙消炎畫颯颯清颺五月寒

就居東城潘特書贈詩次韻奉酬二首

拓埽開徑已淹旬來就東家結近鄰巷隘每迴騎馬客官  
閑還作讀書人花叢照眼移栽近石丈當窗下拜頻

原注  
寓有

大石山又 且喜閉門如繡谷典衣索米未嫌貧

何須廣厦萬千間得御輪躩骨已仙茨草差殊原氏室風

帆借署米家船西山爽氣排簾入南楚鄉音隔巷傳原注與楚

南諸館曾拜長檠聯短韻舊巢痕在五雲邊原注特書與余舊居院署

詩會

暢春園 南書房輪直與惠仲儒須鳳苞同賦原注班直

數日各寫詩字大小數幅望御覽

出花漏永畫融融接武鷓鴣幾度同二月煙攢宮樹杪三

清路在直廬東苔牋染翰霑仙露花鳥嬉春嘯午風飽食

大官何所報文章小技愧雕蟲

同門陶蒼柱遠寓郊寺作歲晚書懷詩聲情悽切次

韻招之入城

傳聞淡月卸塵鞍  
息影僧寮伴懶殘  
烹雪鑪閑冬日霽  
停雲屋老朔風寬  
天涯遲暮增羈緒  
物候嚴凝屈互寒  
官共圍鑪煨楮  
紙窗翦燭話更闌

羊城雜詩次寓館壁閒韻

披書欲覓攝生經  
瀾偈苔痕上特亭  
原注特亭在寓館後土山上最高處  
壁

壓江泥兼蚌粉泉  
烹潮水帶龍腥  
王孫草上春將老  
蜀魄

聲中酒亦醒  
何物能將歸思繫  
牆東柳線裊青青

由曲江至樂遊原返憩慈恩寺題壁  
原注曲江久無水或陸地中有

廢園四岸多荒塚其華表存者唐以後物也獨慈恩寺及雁塔為唐舊蹟然寺屢葺塔亦剝落矣南岸即

樂遊

原

路轉慈恩寺外橋，曲江塵逐馬蹏遙。  
秋原落照搖紅葉，廢堡寒飈偃白茅。  
幾度鶴歸華表柱，當年鷗起木蘭桡。  
榮枯閱盡惟殘塔，鈴鐸聲沈亦寂寥。

秋夕汴城東樓讌罷展眺同馮瀚思作

原注良歎舊址相近

高樓列炬倒壺觴，歌管闌珊夜未央。  
城帶長河風浩浩，野昏斜月樹蒼蒼。  
陸沈北宋衣冠地，鼎沸東吳花石綱。  
幸際昇平風物好，萬家鱗萃鞏金湯。

由下河勘振至興化

百里郊原水淼茫，眼前閭井迭滄桑。  
良農徙業戍螺螄，秋鳥辭巢失稻粱。  
一葉輕舟迷舊渡，兩株殘塔冷斜陽。  
城中泥滑何須問，昨日街頭簇野航。

次海州

年荒容易暮生雲  
森森何從記水程  
異漲粘天航少海  
亂山刺眼隱孤城  
經旬狎傍含沙窟  
此地初聞絡緯聲  
自注  
謠詠巧相中傷  
淮北郡縣多成  
岑寂更無圖可繪  
蘆風蕭颯雨縱橫

石淙舟行

層空澄碧雁來天  
上水徐撐箬葉船  
沿岸人家當夕照  
滿

林紅樹一溪煙

縉雲溪上二首

翠壁欹橫帶暮霞  
溪邊茅舍兩三家  
尖星瀨石應非遠  
誰撥蘆根剔薜花  
原注  
縉雲南溪即應溪也  
舊傳此溪下流  
江中石上鐫笑屋瀨三字  
王右軍書也  
唐

未居民渾有司墓塚之頽已推毀  
之今閭尚藏溪內蘆葦深泥中

一水揉藍峭石攢征車來往撥簾看故鄉溪路依稀似輸  
與閑人把釣竿

湖隄柳

春隄垂柳碧搖搖半拂湖亭半拂橋連日雨晴應更好遊  
人莫折最長條

樂昌舟中

瀧江一葉信高低對東層崖望轉迷濃綠徧山人寂寂杜  
鵑花裏鷓鴣啼

郴州山行

崇巒匝匝樹交加寂歷嘯禽伴落花下盡欹崖房脊出纒

知翎裏有人家

驛路抵高山旁一峯桃花環簇上有雙井泉水芬冽  
前春曾取啜茲重過小憩井邊煎茶

紅桃風漾綠蘿煙雙井尋源記去年塵夢半生憑澣盞茶  
銷兩度到峯巔



沈氏詩集卷第七十終

沅湘耆舊集卷第七十一

新化鄧顯鶴湘泉編輯

長沙毛國翰青垣校訂

陳桃文之騷 一十八首

之騷字桃文攸人康熙中貢生著有島孫詩文鈔十卷島孫學問淹博有盛名於時所居在攸之堆湖湖中有阜草樹深碧樂而安之以爲小瀛洲也呼爲島孫遂以名其集所作時藝孤行一世人莫能及假蹇不遇以明經老時論惜之乾隆中仁和李寶幢先生汪度視學吾楚序其遺稿稱其天姿英銳氣骨超逸於書無所不讀故能高談雄辨該

諸滑稽挾摘經傳傲睨一切又言其生平喜漢魏  
六朝卑少陵而詆昌黎其推重如此時俗之見語  
及桃文遂如天半神人不可梯接百餘年來人無  
異辭今閱其集多慮棘不中程可存者絕少殆韻

語非所長也為慎擇其稍諧適者存之

楚詩紀桃文為文如

江濤洶湧皆原本經籍徐司寇乾學韓宗伯致

書勸赴北雍大旨謂君出則為各士居則終為山

人桃文得書一笑而已皆不報晚悉焚其著作曰

無為世俗口議攸與詩鈔桃文著作甚富乾隆

開同邑陳杰嘗哀輯其殘稿十二卷刻之各曰鳥

孫集李寶幢學使序之稱其天姿英銳氣骨超逸

下筆屬詞嶽岑離奇汪洋恣肆不屑規規前人無

不自成機杼駸躐乎升龍門之堂入漆園之室躡

步華嵩觀溟渤唐末以下視若崎嶇行潦誠無與

乎瀛洲三鳥之遊所以推之者至矣張度門桃

文傳畧潘公宗洛視學楚南按先生第一集諸生

於庭山卷題言此真漢文也先生執卷請案前曰

某文薄家甄拔甚視但某句出某書宜讀某句宜  
句指誤處眾失色潘公起離席揖曰某大科第  
汲古淺幸教我取案上筆令改正更對諸生  
朗誦稱善人直先生亦以是多潘公虛懷云

### 過干湘灘

緩棹擊衡山細浪孤渚閒金紫鑿嶽盡浩野去不還烏石  
灑灑落黃花僅一灣中閒饒千里天荒目應頑百年士氣  
委青雲不可攀有美來作牧補石到天閒觚稜息荒翼鐘  
鼓到城關破沙犀鬚立地靈爲開顏亂離人去後鐵網幾  
枝珊非直遊觀美起衰見一斑

### 燦公見過

昔我石牛宿偶來仙鶴姿願長表坐立珠浴有威儀微語  
警窗外法從亦靜慈籠餐遠餉我導以幽蘭詩欲修白社

好各山存相思我有貧賤渴所急在文詞生天與成佛因  
緣且未知

寄兒於龍翔破蒙

六齡猶未彌頓教遠從師全家皆矜慟惟母獨正詞生男  
非育女終日不出閨女猶幼時嫁情男亦奚爲生涯在筆  
墨事業在驅馳丈夫志萬里蹤蹟始此時老僕負兒去隔  
山兩不知徐將巾沾溼歎兒終非癡不然出門際應如膠  
黏絲

竹馬從此棄總角閑威儀憐汝勞生始非因遠別離徐作  
鴻鶴舉免受馬牛羈汝父築窗久物色未有期婦人喜各  
業豈解酸心脾兒見汝母色有淚強不垂家入贖兒果款

兒自冥思兒將果分弟我去汝獨媿卽今能如此日後豈  
乖夷

吉王府遺址

寂寞龍孫去蕭條鶴院空掖庭存夾道孤殿受斜風草色  
傷春綠殘陽覆地紅遙遙北隅上猶見數株楓

遊寶相寺巖

絕頂通天直山門一笑開豕牢祠石構烏道拂雲回方丈  
渾如水身心渺落灰爲憐月出好夕望勝春臺

還看谷口路已作陸沈猜特地將身送橫空入穴來階前  
懸白日佛頂覆蒼苔珍重僧家茗飛泉不易迴

人閒紅是葉巖上白惟雲未出天圍裏已將秋色分松根

深不到鳥語自爲羣試發鸞音嘯遙遙四谷聞  
谷口雲封斷山深寺據腰藥苗生絕險丹竈上重霄雞犬  
會何異光陰自古遙此隨流水出只恐爛柯樵

瓜窗

種瓜倚小榻引蔓上檐隅盡日陰流地開窗綠到書清風  
吹不透涼氣坐來徐常恐秋霜早庭前落葉餘

咏懷

雲山只合隱疏慵裏手閒吟是半蹤時節催人布穀鳥生  
處何計落花蜂聞禪修禊過新寺插竹編籬看老農七尺  
身驅文不盡愁多反自學從容

子遠詩自奉先

軒窗去更未曾關但覺君回齊滿山別後波瀾時自異舊  
鄉人物話難刪千尋華嶽披雲立萬里黃河繞塞還一夕  
鈴前聽欲遍卻令爽氣發心顏

邕庵訪張八又勝朱三及

獨此猶稱小梵天莊嚴光景勝西禪蕉葉綠搖人面上蓮  
花香到佛爐前閒房侵坐無他稅隙地容葦避法筵蚤識  
君家同住此遽廬明月借陰眠

宿于遠齋

小敵不如大敵堅況爭延玉校旂前半牀書帙隨鐙散別  
院簫聲入耳圓月過高墻人已靜花垂清露鹿初眠從來  
咫尺分先後又看明朝筆墨緣



解嘲

破夢驚塵枉自猜紛紛裘敝且歸來時工不少胭脂畫瑣  
尾誰憐蕩翠頰湘上小亭非作客重陽明日豈閒杯憑君  
指點才難意抱得奇書只暗開

黃鶴樓漫成

樽里骨銷宮闕聯嶙峋鈴塔俯江煙仙人騎鶴歸何處大  
別如龜相對眠望氣栖遲悲故國吹風指畫亂青年我行  
一下辛祠去問有楚封香火錢

從長沙卻寄內

長沙城外湧春潮小邑溝渠未易消幸是山居堪避水可  
能交雨不傷苗窮途敢自希微幸所事誰當慰寂寞中夜

不禁愁思擾更聞蛙子亂如蜩

落解

風流狼藉渾閒生臥病文園未有情  
倦鳥還巢甯惜羽落花投地本無聲  
平安隨次答鄰里文字常教憂弟兄  
一自含髯都市過難將客難發奇橫

昭陵徵館穀

山齋猶到隔年身手熟園扉繞徑巡  
種竹成陰能幾箇添花作對也傷神  
江聲向晚涼生戶雨氣尋峯暗苦座  
欲把舊時相識訪此來原不爲懷人

壁間名紙落何時引得清風不定吹  
纔是主人歸灑掃逼來乳燕太差池  
空階面面延荒草野竹陰陰覆小祠  
爲語

出江有書集 卷第一 十一  
隔溪同調者當年燈火竟如斯

感事

五色戰場拋此身高歌何處發陽春  
眼看樓鳳未成實手種蒼龍已作鱗  
公子久虛門下士田夫熟認蘆中人  
鬱然無處舒高望況值深秋陰雨頻

館穀不至

那堪敗絮入荆叢百計推心歲暮中  
白首生涯何處是青檀事業也遭窮  
檐頭忽過爛霜雨樹頂時鳴落葉風  
除卻陸莊荒不稅道旁疑有楚人弓

古意

宮媪新將雕輦扶引來帳殿近流蘇  
失身豈肯歸厮養嬌

性何曾誤畫圖醉裏紅顏誰信薄妝成綠鬢自嫌燒只今  
萬歲賓王母欲共仙妹一擲蒲

被災

烈火飄風卷葉如柳州多謝賀貧書衣裳秋後芙蓉落杵  
臼誰家雀鼠餘寒雨淒淒迷遠路春花寂寂笑吾虛隔鄰  
便是臯通庶慚愧猶煩數月居

傷逝

風回稽首蔚藍天草綠煙肥舊帶前春色吹來還可上落  
花猶未送流泉

淒淒絲雨溼雲流重襯單衣不耐秋立盡閒庭新草長休  
巢無賴看呢鳩

生前一座有光輝繡戶銜山綠浸衣小扇自開還自掩湘裙拖地化雲飛

寶相寺夜歸

過盡楓林黃葉稀僧房靜處話非非坐來不覺霜天短石路江聲冷客衣

朱選貢轂二首

轂字而敏桂陽人康熙中拔貢有東水詩集潘書原先生序行而敏爲同縣范秉秀蘇溪之壻與郭遠青來交蘇溪青來皆一時名宿也而敏才不及婦翁與青來並驅殆亦未易優劣云

秋初同周景尼范堯宗遊白石巖

對外同人愜素心，便攜樽酒共登臨。  
荒山久矣無兵火，空谷蹙然有足音。  
繞樹流蟬秋意早，隔林疏磬晚煙深。  
歸來笠影殘陽裏，一路秋風好唱吟。

五十初度有感

秋風吹鬢漸如銀，彈指韶華五十春。  
可歎歸與還作客，早憐壯也不如人。  
窮塗阮籍詩皆淚，病渴相如賦亦貧。  
良夜憑誰破岑寂，團欒杯酒是知親。

夏歲貢光白 三首

光白字幻齊益陽人康熙中貢生

書懷

窮老甘疏放，浮名夔不牽。  
幸餘錐立地，漫羨翻摩天山僻。

見聞滅林深來往偏開中多意味得句與陶然

五十初度

白雲深處露炊煙聞說浮丘可學仙豈有丹砂存絕巘空  
餘皓月映前川俗情未斷仍取佛豪氣難除欲問天始識  
浮生真草草不妨蕭索獨窮年

始見菊

玉露澹霑高隱致青霜新沐後凋春慚愧十年籬下客還  
從風雨見先民

韓副貢樂二首

樂字適齋善化人康熙中副榜貢生

初夏南邨先生重示史畧補感而有作

夢罷羲皇酒一尊懷君舊史抱雲根  
韓碑萬本留元氣呂覽千金在國門  
罪我由來知我少今人幾見古人存  
相招他日過文園茶具熏爐共討論

初入千壽祠用壁間李元綸訪張魏公墓祠元韻

雲簾煙幌獨窺尋寺午空欄落梵音  
香草卻依風磴溼雨花應閉石牀深  
扶筇野鶴招初地施食巢烏下舊林  
我亦萬緣俱寂靜山中長結白雲心

扶教諭登甲一首

登甲字再耆新化人康熙中貢生官常寧教諭

同里李玉蓉嫁吳氏子夫亡遺一女復死遂縊以殉

哀而弔之



那堪長作未亡人一死真能了夙因  
資水梅山俱變色邇來三月不成春

鄧歲貢竺一首

竺字伯裔一字大生祁陽人康熙中貢生

秋過浯溪

湘水粼粼落漲痕秋山紅葉擁江村  
雞棲樹古屋垂蕨鶴啄松高石露根  
舊宅幾回尋梵宇清風長此對宸尊  
遊人但漱溪流去除卻唐家事莫論

張孺庵鳴珂三首

鳴珂字玉友一字攻吾寧鄉人康熙中貢生著有孺庵遺稿常華草堂集孺庵文行粹然爲一時理

學之最初與邵陽王能愚先生倡正學於湖湘間  
後交善化李朗軒先生尤篤朗軒所定易詩三禮  
諸書皆所參訂也今朗軒諸書刊行於時而孺庵  
名姓鄉人無有能道之者茲從長沙府志摘錄古  
近體詩三首畧存其概云

### 嶽麓

嶽麓氣象尊隔水抱湘郭上貫長沙星精光互磅礴祝融  
駕火龍蜿蜒閒雄卓奔騰不得住到此成磊落就吞湘上  
水少潤赤帝渴諸山盡趨承羅拜崩厥角降神毓靈秀代  
有偉人作萬松簪其顛濤聲振寥廓煙雲足下生平蕪何  
漠漠膚寸雷雨奮膏澤無不沃當年鄒道鄉扁舟不得泊

子夜列千炬一宿如踐約此山愛忠信充隱未敢托尤尊  
有道人山靈聽講學朱張兩夫子壁立侔五嶽與此氣味  
合卑陋盡揮霍超然性命宗老佛爲氣奪所以英華萃瑜  
瑾相追琢麓峯實多助誰敢拳石度我來頻仰止飲泉紉  
杜若振衣千仞峯揮手謝羈勒呼吸通蔚藍頓覺心胸豁  
搔手問青天一嘯羣峯諾

蒼筤谷行

龍蛇無家仙有骨紫霧香風常馥馥當時懶曳天街履手  
種蒼筤綠映几鶴唳琴聲答澗泉長沙西畔別有天吹香  
亭子籠雲白時有潛龍揮翰墨可憐江左小朝廷不及此  
中心自豁四時花三春鳥人閒何處無三島清風吹月上

山來把酒臨風坐碧草一杯遙問古巢由箕山應不負鄉  
老至今牧笛嶺頭鳴疑是王喬笙韻好君不見宋家官闕  
已成塵理宗陵墓植冬青此谷雖荒不屬人

長沙早春

冰霜此日避長沙驢背尋春鬪酒家飛虎巖前風欲暖老  
龍潭上草初芽學妝柳態鶯黃拂新沐山容翠鈿賒士女  
忍冬休抱憾條風早已布湘涯

王醒齋元復 三首

元復字能愚號醒齋邵陽人康熙中貢生醒齋爲  
稚潛先生子邃深經術尤長於易以理學著與同  
縣車旡咎補旃齊名人稱車王又同衡陽王敬虎

止攸縣陳之駟桃文共稱爲楚南四家又有稱楚  
申三王者謂先生與虎止及漢陽王馘伯穀也李  
朗軒先生與人書云莊列之書初亦畱意自庚午  
見王能愚先生後乃不敢涉目其爲時賢所信服  
如此所考訂皇極經世洪範內篇律呂新義諸書  
見四庫全書存目詩非其所長也偶存一二以  
見梗概

洞庭舟中答李朗軒

一片洞庭月孤帆千里征乾坤浮日夜樓閣儼蓬瀛閱世  
滄浪水懷人鬱鬱情達觀吾不及開匣劍先鳴

宿車補旃木石居

久從少壯號通儒自愧明經我不如  
木石有緣堪共老胸襟無礙任安居  
礚溪石上鉤難曲茂叔庭前草不除  
眼底風光今老矣青山冉冉變吾廬

東湖寺答陳頤年秉鈞姪我沂

茂陵山色畫長昏慘霧淒風故國魂  
北渚有雲悲帝子東湖無草怨王孫  
衣冠已共銅駝沒華表空留石馬痕  
歎息當年一抔土梵王宮殿有頽垣

車補旃旒咎一首

旒咎字補旃邵陽人理中先生聞黃之子  
康熙中貢生避亂生潛溪小字潛生資稟  
純粹自其幼時卽以聖賢自待與同縣  
王能愚先生以理學齊名

湛深經術不以詩名著書甚富有承雅堂文集

四庫存目所收皇極經世洪範內篇諸書則與王  
先生所共訂定者也

侍家大人宿靈鳥道院

一鐙懸斗室父子宿餘明古壁沈沈夜高堂寂寂情何來  
風雨急兼送竹梧聲遠愧溫衾止能無忝所生

謝毅齋大任

一首

大任字毅齋新化人康熙中貢生官永定衛教諭  
以經學著各詩不多作又其時謝氏有昆資先生  
良琦者亦以明經終其學毅齋之亞也為先大父  
松堂贈君本師惜其著述不傳

咏茶花寄所知

素妝淺淡殺春工  
力挽煙光小苑中  
不識河陽花滿縣  
也

楊處貞一韡

二首

一韡字棟叔安鄉人康熙中貢生

趙公庵秋夜雨齋讀書

壁壘疑餘鼓角聲  
靈籟雨滴寒漸生  
老鶴夢回號不已  
庵頭鬢變白雲橫  
花陰瑣碎不須埽  
乍晴偏使深宵好  
秋風讀到漢皇辭  
酷好神仙也要老

辛邑侯振饑

湯湯南國洞庭  
谷邑如斗大  
出其腹星羅  
一點青山遙歲



歲陽侯凌四隩濤飛往昔拍長天我公作牧真可憐琴堂  
碧水一舟寄鷗子漁婦皆同眼吁嗟鰕生哀首續終日菱  
歌盪晚積汲盡流霞半邊水薄粥無成待使君使君所至  
瘡痍起遂令鳩鵲得所倚草根木葉始能別楚竹家家炊  
黑秬先年八月開南倉含餽直到麥花香堂下春和淪骨  
髓窮民渾似官家郎

楊歲貢昌蘭 一首

昌蘭字芸士會同人康熙中貢生

月沛園咏醒莊蕉露

山莊清賞讀書朝泚露濃沾碧玉蕉誰碎蠟珠圓鳳尾攏  
學金掌接丹霄橫來畫檻光如拭洗出雲箋翠轉澆爲霖

塵襟時坐對夜闌風雨更蕭蕭

吳歲貢瑞英一首

瑞英字徵育號南村湘陰人康熙中貢生有密巖

詩集

登神岡山訪一葵禪師次韻

鷲嶺移來第幾峯安禪一室隱高蹤域中久已無麟鳳世  
外居然有象龍洗鉢花飛千澗雨談經月湧萬山松分明  
指點祇園路惆悵塵勞不易逢

龍歲貢際時一首

際時字雲友安仁人康熙中貢生

宿天元古刹

沈氏香齋集卷第十一  
杏林雙樹直干雲野翠濃嵐夾道熏白晝日當亭午見深  
宵月自峽中分忘機鳥慣依僧集說法鐘能引世聞閑臥  
竹牀貪獨醒始驚塵夢太紛紛

陳處士體元一首

體元字健一武陵人芷濱大令養元之兄

湖上書屋感懷

短短疏籬小結廬一湖環碧野人居青春放眼花無賴白  
晝焚香睡有餘讀書山頭甘放浪彈琴曲裏任蕭疏閑來  
自了關心課寫罷黃庭閱道書

徐秀才續芳一首

續芳字三緒長沙廩生有雍齋詩草

過昔年城北讀書處

叢祠深處草芊芊，忽憶書聲似昔年。  
門外立殘三尺雪，鏡前聽罷五更鶻。  
勞生歷碌餘殘鬢，卹郭荒涼賸野田。  
策馬匆匆行欲暮，不堪回首淚如泉。

蕭秀才致良六首

致良字伯和，常寧諸生，繼履主人洪治之子。

懷鄧槐名

陟山采紫芝，松石何斑斑。  
涉水采芳芷，清波何潺潺。  
伊人天一涯，所居非世閒。  
我欲往從之，孤鶴相與還。  
悵悵不復值，白雲飛滿山。

幽居四首

江邨無事叟世界不拘身老大惟防病交遊厭說貧閑常  
如作客傲爲嬾求人時俗憑他假何妨獨認真

茆茨竹樹裏編棘偶爲園水落旋成徑煙孤不入邨老惟  
能讓事躁未免多言薄俗真難見吾生合閉門

近會居家法安貧豈是癡無鐙眠太早借米飯常遲煖老  
無需帛調脾喜帶饑晚來圍被坐餽粥最相宜

世法終難學時流不可親自知饒舌慣常觸用心人醉恐  
難頻怨交防太率真由來無俗骨只合守長貧

南樓遠眺

危樓高峙倚雲空檻外帆檣萬里通江水遠來巴子國雄  
鳳高壓楚王宮鳳皇欲下簫誰引鸚鵡無言賦敢工直擬

蘇虛馳八極雲雷何日羽毛豐

周訥庵思仁一首

思仁字恕三一字訥庵邵陽人康熙朝拔貢生著

有楚辭註訥庵集訥庵先生為邵陵儒碩六經皆

有著述今所存者惟楚辭註鈔本集未見僅從方

志採得一首應酬之作聊爾存之未足為先生重

也又按楚詞注鈔本漁父篇末附梧溪君四絕句

或云梧溪君先生之父也今并附錄於左梧溪君

後四絕句首陽餓後汨羅沈日月爭光並絕倫欲

向此中分究竟誰為論世信知人一值興周一暴

秦其為貴城共遺民首陽薇蕨猶難咽泪水彼泥

肯害仁九章字字寫心神讀罷淒然感性真最痛

回風篇末語匡君無益愧沈身忠焉而過過而忠

細意分明似晦翁卻想求仁無怨語尼山評薦豈

公踰

親民歌為郡守鄭公作

親民之職惟守牧地近情真風化速種匪拔薤各隨宜往  
往千載畱芳躅能開氣運助甄陶昌黎潮海文翁蜀當時  
過化豈自知至今琅琅照耳目况逢熙洽運邇隆吏治蒸  
蒸無迨蹙如公所為益特達一閒無設羣歸樸自注莊子  
山木篇一  
之閒無敢設也既既召伯巡行重致民甘棠芟舍為清獄程  
縣既琢復歸於樸

子時行鄉校中親為兒童正句讀公之此意配古人豈獨  
能為邵民福邵人私喜戴公恩衢歌巷舞為公祝

按鄭公名之僑字東里南海人  
乾隆開任寶慶知府善政甚多

邵美公良瑜二首

良瑜字美公新化人縣學生有田心廬詩集田心  
村名在邑之西南康雍朝田心詣鄧文學最盛美  
公先生於先大父爲族兄弟尤博洽精地志所刻  
輿地圖余少時猶及見之集久佚往歲譚荆川明  
經襄曾爲余誦其一律嗣復從沈郡伯實政錄採  
得一首今邑中無有知其名姓者矣

刊所編輿地圖成書後

未能窮亥豎猶勝注蟲魚刻畫慚桑鄴編劄類史胥難徵  
邠國志最簡職方書歷代專門學圖成任毀譽

贈沈郡伯

猶是周餘歷劫民邇來薄俗更還淳變漓養瘠誰之賜地



闕年豐孰與倫淡薄無營風最古精明不露動如神三年  
一日微全力報最還思借寇恂

廖秀才夢熊 一首

夢熊字勣周攸縣學生與兄夢麟齊各有詩集吳  
士玉荆山序未見

秋日讀書輞川

野寺年前抱一經重來猶覓簡編青無才可老天多事有  
憾難澆酒不靈紅葉打窗秋颯爽白雲遮徑月零星古來  
賢達先窮餓醉向風騷問典型

李秀才日思 二首

日思字九有常寧人廩生





意焉故先子句云咏鳥柴桑曾伴醉多情宋玉自悲

秋感今追昔敬廢元韻寄宋十兄

話到三更燭淚池夢迴半榻日光晞西臺作記人何在逝  
水淙淙沒釣磯

吟已忽羣雁過卽步韻及之昔二月廿二夕也

勁翮偏因風雨厲清吭豈爲稻梁柔河山不改來時路應  
報人閒又一秋

東林朋友爭先去南史弟兄餘後生訴徹三生難了事摩

娑孤陣試青萍

自注方吟時又聞聲甚悲  
切問隔壁生日孤雁也

天老特傳蒼頡書地昏甯戀武昌魚待得三更山吐月迷

途相伴病蟾蜍

李秀才廷賢 一首

廷賢字愚生常寧人諸生廣豐令繼聖之祖也少  
孤力學家素饒腴田滿陌亂後爲豪猾侵占遂發  
憤罄餘產購書累萬軸坐臥其中其婦翁崔介庵  
固與艾東鄉善少時猶及見東鄉來遊甚被賞異  
語見廣豐家傳常寧李氏世有藏書實權輿於此  
故家文獻不及二百年盡舉而委於逆獠之一炬  
惜哉廣豐之曾孫德騫補堂及其子次山結甫識  
余於長沙求志其父岳泉翁墓并輯其先世遺詩  
求選入是集意甚誠篤爲記其畧如此

咏竹

清節亭亭立松筠操共隆  
荀新出頭身籙老姿形同  
天分色涼招月在空惟須  
鋤異種豔冶夾桃紅

馮秀才世柱 二首

世柱字支江善化人廩生根公先生之孫也家貧  
授徒自給著作散佚僅得殘帙一冊斷爛不全就  
其稍可辨識者存二首

### 傲廬

傲廬僅兩椽已不蔽風雨况復傾且頽奚能事牽補昔人  
志廣屢今我無完堵地褊賸一弓天空見四宇霑滴苦不  
休愁懷鬱難吐安得開心顏安居樂吾土

別羅生 有引

羅生典今歲附余館寄食他家寒暑風雨早來夜去余  
憫其貧而嘉其志卜生之必遠到也一日以主人悍僕  
惡語相侵辭去作此別之

鼎鼎羅氏子志氣實異常笈從我遊艱苦亦備嘗且入  
暮始去戴月披星行寄食東家翁草具充飢腸生也甘若  
飴其氣凌秋霜發爲古文章冰蘖生寒鏗苦遭廬兒辱詎  
嘗頗難當逝將舍我去天路恣騰驤臨別且踟躕生其慎  
自妨不見跨下兒終致侯與王

向巖貢淑俊 二首

淑俊字傑先號鶴田澉浦人康熙中貢生有澉六  
堂集鶴田幼慧年十二補弟子員坐事黜十六歲

復隸於學性至孝父死客邸寄匱蕭寺爲大水漂  
去鶴田泣血籲天迹至桃源卒得之撫棺大痛哭  
感行路其父名首國卽幼從亂兵間脫母於禍以  
孝聞者也激六堂集久佚僅采存絕句二首方志  
所云頗有逸致者也

激江五日感賦

靈均精魄已無靈畫鼓蘭橈自滿汀我亦紉蘭空作佩模  
飢醉眼看誰醒

晚棹

疏林寂寂影蕭蕭殘月朦朧度小橋水淺不知何處泊芙  
蓉岸口一僧招



吳振鵬 一首

振鵬字雲翮攸人

黎平署中有感

萬山突兀一城尖  
遊子天涯歲歲淹  
冷月梅花香入夢  
閑階草色碧侵簾  
旅懷每借狂吟遣  
客思還因獨寐添  
極目故園歸未得  
強從深夜看孤蟾